




世界書局印行

景印
摘錄堂

四庫全書卷要

集部
第八十六冊
總集類

世界書局印行

景
藻
堂
印

四庫全書薈要

集
第
八
六
部
總
集
類

本冊目次

書名及撰人

卷次

頁次

御定全唐詩九百卷目錄二卷
清康熙四十六年聖祖仁
皇帝御定

卷一百七十至卷二百三十四

四三三一

欽定四庫全書薈要

集部
御定全唐詩卷一百七十五
七十四

欽定四庫全書薈要卷一萬七千五百七十五 集部
御定全唐詩卷一百七十

李白

贈王判官時余歸隱居廬山屏風疊

別黃鶴樓蹉跎淮海秋俱飄零落葉各散洞庭流中

年不相見踳躑遊吳越何處我思君天台綠蘿月會稽

風月好却遶剡溪迴雲山海上出人物鏡中來一度浙

江北十年醉楚臺荆門倒屈宋梁苑傾鄒枚苦一作笑

欽定四庫全書
御定全唐詩
卷一百七十

我誇誕知音安在哉大盜割鴻溝如風掃秋葉吾非濟

代人且隱屏風疊中夜天中望憶君思見君明朝拂衣

去永與海鷗羣

在水軍宴贈幕府諸侍御

月化五白龍翻飛凌九天胡沙驚北海電掃洛陽川虜

箭雨宮闕皇輿成播遷英王受廟略秉鉞清南邊雲旗

卷海雪金戟羅江煙聚散百萬人弛張在一賢霜臺降

羣彥水國奉戎旃繡服開宴語天人借樓船如登黃金

臣紀昀詳校
詳校官候補通政經歷臣郭祚熾

臺遙謁紫霞仙卷身編蓬下冥機四十年寧知草間人
腰下有龍泉浮雲在一決誓欲清幽燕願與四座公靜
談金匱篇齊心戴朝恩不惜微軀捐所冀旄頭滅功成
追魯連

贈武十七諤 并序

門人武諤深於義者也質本沉悍慕要離之風潛

釣川 一作江海不數數於世間事聞中原作難西來

訪 一作謁余余愛子伯禽在魯許將冒胡兵以致之

欽定四庫全書

御定全唐詩
卷一百七十

酒酣感激援筆而贈

馬如一匹練明日過吳門乃是要離客西來欲報恩笑
開燕匕首拂拭竟無言狄夫吠清洛天津成塞垣愛子
隔東魯空悲斷腸後林回棄白璧千里阻同奔君為我
致之輕齋涉淮源精誠合天道不媿遠遊 一作魂 鄧攸

贈閭丘宿松

阮籍為太守乘驢上東平剖竹十日間一朝風化清偶
來拂衣去誰測主人情夫子理宿松浮雲知古城掃地

物莽然秋來百草生飛鳥還舊巢遷人返躬耕何慙空
子賤不減陶淵明吾知千載後却掩二賢名

獄中上崔相渙

胡馬渡洛水血流征戰場千門閉秋景萬姓危朝霜賢
相變元氣再欣海縣康台庭有夔龍列宿粲成行羽翼
三元聖發輝兩太陽應念覆盆下雪泣拜天光

中丞宋公以吳兵三千赴河南軍次尋陽脫余
之囚叅謀幕府因贈之

欽定四庫全書

御定全唐詩
卷一百七十

獨坐清天下專征出海隅九江皆渡虎三郡盡還珠組
練明秋浦樓船入郢都風高初選將月滿欲平胡殺氣
橫千里軍聲動九區白猿慙劒術黃石借兵符戎虜行
當剪鯨鯢立可誅自憐非劇孟何以佐良圖

流夜郎贈辛判官

昔在長安醉花柳五侯七貴同杯酒氣岸遙凌豪士前
風流肯落他人後夫子紅顏我少年章臺走馬著金鞭
文章獻納麒麟殿歌舞淹留玳瑁筵與君自謂長如此

寧知草動風塵起函谷忽驚胡馬來秦宮桃李向明一作
胡開我愁遠謫夜郎去何日金雞放赦回

贈劉都使

東平劉公幹南國秀餘芳一鳴即朱紱五十佩銀章飲
水事戎幕衣錦華水鄉銅官幾萬人諍訟清玉堂吐言
貴珠玉落筆迴風霜而我謝明主銜哀投夜郎歸家酒
債多門客祭成行高談滿四座一日傾千觴所求竟無
緒裘馬欲摧藏主人若不顧明發釣滄浪

欽定四庫全書

御定全唐詩
卷一百七十

四

贈常侍御

安石在東山無心濟天下一起振橫流功成復瀟灑大
賢有卷舒季葉輕風雅匪復屬何人君為知音者傳聞
武安將氣振長平瓦燕趙期洗清周秦保宗社登朝若
有言為訪南遷賈

贈易秀才

少年解長劍投贈即分離何不斷犀象精光暗往時蹉
跎君自惜竄逐我因誰地遠虞翻老秋深宋玉悲空摧

芳桂色不屈古松姿感激平生意勞歌寄此辭

經亂離後天恩流夜郎憶舊遊書懷贈江夏韋

太守良宰

天上白玉京十二樓五城仙人撫我頂結髮受長生誤
逐世間樂頗窮理亂情九十六聖君浮雲挂空名天地
賭一擲未能忘戰爭試涉霸王略將期軒冕榮時命乃
大謬棄之海上行學劍翻自哂為文竟何成劍非萬人
敵文竊四海聲兒戲不足道五噫出西京臨當欲去時

欽定四庫全書

御定全唐詩
卷一百七十

五

慷慨淚沾纓嘆君倜儻才標舉冠羣英開筵引祖帳慰
此遠徂征鞍馬若浮雲送余驃騎亭歌鐘不盡意白日
落昆明十月到幽州戈鋌若羅星君王棄北海掃地借
長鯨呼吸走百川燕然可摧傾心知不得語却欲棲蓬
瀛彎弧懼天狼挾矢不敢張攬涕黃金臺呼天哭昭王
無人貴駿骨驟耳空騰驤樂毅儻再生于今亦奔亡蹉
跎不得意驅馬還貴鄉逢君聽弦歌肅穆坐華堂百里
獨太古陶然臥羲皇徵樂昌樂館開筵列壺觴賢豪間

青娥對燭儼成行
醉舞紛綺席清歌繞飛梁
歡娛未終朝秩滿歸咸陽
祖道擁萬人供帳遙相望
一別隔千里榮枯異炎涼
炎涼幾度改九土中橫潰漢甲連胡兵
沙塵暗雲海草木搖殺氣星辰無光彩
白骨成丘山蒼生竟何罪
函關壯帝居國命懸哥舒長戟三十萬
開門納克渠公卿如犬羊
忠讜醢與菹二聖出遊豫兩京遂丘墟
帝子許專征秉旄控強楚
節制非桓文軍師擁熊虎人心失去就賊勢騰風雨
惟君固房陵誠節冠終古僕

欽定四庫全書

御定全唐詩
卷一百七十

六

髮窺日畏銜山促酒喜得月吳娃與越艷窈窕誇鉛紅
呼來上雲梯含笑出簾櫳對客小垂手羅衣舞春風
賔跪請休息主人情未極覽君荆山作江鮑堪動色清水
出芙蓉天然去雕飾逸興橫素襟無時不招尋朱門擁
虎士列戟何森森剪鑿竹石開縈流漲清深登臺坐水
閣吐論多英音片辭貴白璧一諾輕黃金謂我不愧君
青鳥明丹心五色雲間鵲飛鳴天上來傳聞赦書至却
放夜郎迴暖氣變寒谷炎煙生死灰君登鳳池去忽棄
賈生才禁犬尚吠堯勾奴笑千秋中夜四五歎常為大
國憂旌旆夾兩山黃河當中流連雞不得進飲馬空夷
猶安得羿善射一箭落旄頭

欽定四庫全書

御定全唐詩
卷一百七十

七

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘仙
郎久為別客舍問何如涸轍思流水浮雲失舊居多慙
華省貴不以逐臣踈復如竹林下叨陪芳宴初希君生
羽翼一化北溟魚

博平鄭太守自廬山千里相尋入江夏北市門
見訪却之武陵立馬贈別

大梁貴公子氣蓋蒼梧雲若無三千客誰道信陵君救
趙復存魏英威天下聞邯鄲能屈節訪博從毛薛夷門
得隱淪而與侯生親仍要鼓刀者乃是袖槌人好士不
盡心何能保其身多君重然諾意氣遙相託五馬入市
門金鞍照城郭都忘虎竹貴且與荷衣樂去去桃花源
何時見歸軒相思無終極腸斷朗江猿

江上贈竇長史

欽定四庫全書

御定全唐詩
卷一百七十

漢求李布魯朱家楚逐伍胥去章華萬里南遷夜郎國
三年歸及長風沙間道青雲貴公子錦帆遊戲西江水
人疑天上坐樓船水淨霞明兩重綺相約相期何太深
棹歌搖艇月中尋不同珠履三千客別欲論交一片心

贈王漢陽

天落白一作上墮玉棺王喬辭葉縣一去未千年漢陽復相
見猶乘飛鳧鳥尚識仙人面鬢髮何青青童顏皎如練

吾曾弄海水清淺嗟三變果慙麻姑言時光速流電與
君數杯酒可以窮歡宴白雲歸去來何事坐交戰

贈漢陽輔錄事二首

聞君罷官意我抱漢川湄借問久疎索何如聽訟時天
清江月白心靜海鷗知應念投沙客空餘弔屈悲
鸚鵡洲橫漢陽渡水引寒煙沒江樹南浦登樓不見君
君今罷官在何處漢口雙魚白錦鱗令傳尺素報情人
其中字數無多少祇是相思秋復春

欽定四庫全書

御定全唐詩
卷一百七十

江夏贈韋南陵冰

胡驕馬驚沙塵起胡雛飲馬天津水君為張掖近酒泉
我竄三巴九千里天地再新法令寬夜郎遷客帶霜寒
西憶故人不可見東風吹夢到長安寧期此地忽相遇
驚喜茫如墮煙霧玉簫金管喧四筵苦心不得申長句
昨日繡衣傾綠尊病如桃李竟何言昔騎天子大宛馬
今乘欵段諸侯門賴遇南平豁方寸復兼夫子持清論
有似山開萬里雲四望青天解人悶人悶還心悶苦辛

長苦辛愁來飲酒二十石寒灰重暖生陽春山公醉後
能騎馬別是風流賢主人頭陀雲月多僧氣山水何曾
稱人意不然一作能鳴笳按鼓戲滄流呼取江南女兒歌
擢謳我且為君槌碎黃鶴樓君亦為吾倒却鸚鵡洲赤
壁爭雄如夢裏且須歌舞寬離憂

贈盧司戶

秋色無遠近出門盡寒山白雲遙相識待我蒼梧間借
問盧耽鶴西飛幾歲還

欽定四庫全書

御定全唐詩
卷一百七十

贈從弟南平太守之遙二首

少年不得意落魄無安居願隨任公子欲釣吞舟魚常
時飲酒逐風景壯心遂與功名疎蘭生谷底人不鋤雲
在高山空卷舒漢家天子馳駟馬赤車蜀道迎相如天
門九重謁聖人龍顏一解四海春彤庭左右呼萬歲拜
賀明主收沉淪翰林東筆回英眄麟閣崢嶸誰可見承
恩初入銀臺門一作侍從甘泉宮著書獨在金鑾殿龍駒雕鏤
白玉鞍象牀綺席黃金盤當時笑我微賤者却來請謁

為交歡一朝謝病遊江海疇昔相知幾人在前門長揖
後門關今日結交明日改愛君山岳心不移隨君雲霧
迷所為夢得池塘生春草使我長價登樓詩別後遙傳
臨海作可見羊何共和之

東平與南平今古兩步兵素心愛美酒不是顧專城謫
官桃源去尋花幾處行秦人如舊識出戶笑相迎南平時因

飲酒過度
貶武陵

贈潘侍御論錢少陽

欽定四庫全書

御定全唐詩
卷一百七十

繡衣柱史何昂藏鐵冠白筆橫秋霜三軍論事多引納
階前虎士羅千將雖無二十五老者且有一翁錢少陽
眉如松雪齊四皓調笑可以安儲皇君能禮此最下士
九州拭目瞻清光

贈柳圓

竹實滿秋浦鳳來何苦飢還同月下鵲三繞未安枝夫
子即瓊樹傾柯拂羽儀懷君戀明德歸去日相思
流夜郎半道承恩放還兼欣慰復之美書懷示

息秀才

黃口為人羅白龍乃魚服得罪豈怨天以愚陷網目鯨

鯢未剪滅豺狼一作虎屢翻覆悲作楚地囚何日一作由秦

庭哭遭逢二明主前後兩遷逐去國愁夜郎投身竄荒

谷半道雪屯蒙曠如鳥出籠遙欣尅復美光武安可同

天子巡劍閣儲皇守扶風揚袂正北辰開襟攬羣雄胡

兵出月窟雷破關之東左掃因右拂旋收洛陽宮迴輿

入咸京席卷六合通叱咤開帝業一作宇手成天地功大

欽定四庫全書 御定全唐詩 卷一百七十 三

駕還長安兩日忽再中一朝讓寶位劍璽傳無窮婉無

秋毫力誰念矍鑠翁戈者何所慕高飛仰冥鴻棄劍學

丹砂臨鑪雙玉童寄言息夫子歲晚陟方蓬

贈張相鎬二首 時逃難在宿松山作蕭士贇云此下八首非白作

神器難竊弄天狼窺紫宸六龍遷白日四海暗胡塵吳

穹降元宰君子方經綸澹然養浩氣歛起持大鈞秀骨

象山嶽英謀合鬼神佐漢解鴻門生唐為後身擁旄秉

金錢伐鼓乘朱輪虎將如雷霆總戎向東巡諸侯拜馬

首猛士騎鯨鱗澤被魚鳥悅令行草木春聖智不失時

建功及良辰醜虜安足紀可貽憫與巾倒瀉溟海珠盡

為入幕珍馐異獻赤伏鄧生條來臻庶同昆陽舉再覩

漢儀新昔為管將鮑中奔吳隔秦一生欲報主百代期

榮親其事竟不就哀哉難重陳卧病宿松山一作古松滋蒼

茫空四隣風雲激壯志枯槁驚常倫聞君自天來目張

氣益振亞夫得劇孟一作七國空一作定無人捫蝨對桓

公願得論悲辛大塊方噫氣何辭鼓青蘋斯言儻不合

欽定四庫全書 御定全唐詩 卷一百七十 三

歸老漢江濱

本家隴西人先為漢邊將功略蓋天地名飛青雲上苦

戰竟不侯富一作當年頗惆悵世傳崆峒勇氣激金風壯

英烈遺厥孫百代神猶王十五觀奇書作賦凌相如龍

顏惠殊寵麟閣憑天居一作侍從永明廬晚途未云已蹭蹬遭

讒毀想像晉末時崩騰胡塵起衣冠陷鋒鏑戎虜盈一作

荆棘生朝市石勒窺神州劉聰劫天子撫劍夜吟嘯雄心

日千里誓欲斬鯨鯢澄清洛陽水六合一作三台灑霖雨萬

物一作六合無彫枯我揮一杯水自笑何區區因人恥成事

貴欲決良圖滅虜不言功飄然陟一作蓬壺惟有安期

鳥留之滄海隅

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

宿清溪主人

夜到清溪宿主人碧巖裏簷楹挂星斗枕席響風水月

落西山時啾啾夜猿起

欽定四庫全書 御定全唐詩 卷一百七十

繫潯陽上崔相渙三首

邯鄲四十萬同日陷長平能迴造化筆或冀一人生

毛遂不墮井曾參寧殺人虛言誤公子投杼惑慈親白

壁雙明月方知一玉真

虛傳一片雨枉作陽臺神縱為夢裏相隨去不是襄王

傾國人此首蕭士贇云非上崔相

巴陵贈賈舍人

賈生西望憶京華湘浦南遷莫怨嗟聖主恩深漢文帝

憐君不遣到長沙

欽定四庫全書 御定全唐詩 卷一百七十

御定全唐詩卷一百七十

欽定四庫全書會要卷一萬七千五百七十六集部

御定全唐詩卷一百七十一

李白

贈別舍人弟臺卿之江南

去國客行遠還山秋夢長梧桐落金井一葉飛銀牀覺
罷攬明鏡鬢毛颯已霜良圖委蔓草古貌成枯桑欲道
心下事時人疑夜光因為洞庭葉飄落之瀟湘令弟經
濟士謫居我何傷一作出門見我傷潜虬隱尺水著論談興亡

欽定四庫全書

御定全唐詩
卷一百七十一

客遇一作云見王子喬口傳不死方入洞過天地登真朝玉

皇吾將撫爾背揮手遂翱翔一作蒼蒼

醉後贈王歷陽歷陽和州也

書禿千兔毫詩裁兩牛腰筆蹤起龍虎舞袖拂雲霄雙
歌二胡姬更奏遠清朝舉酒挑朔雪從君不相饒

贈歷陽褚司馬時此公為稚子舞故作是詩

北堂千萬壽侍奉有光輝先同稚子舞更著老萊衣因
為小兒啼醉倒月下歸人間無此樂此樂世中稀

對雪醉後贈王歷陽

有身莫犯飛龍鱗有手莫辯猛虎鬚君看昔日汝南市
白頭仙人隱玉壺子猷聞風動窻竹相邀共醉杯中綠
歷陽何異山陰時白雪飛花亂人目君家有酒我何愁
客多樂酣燭遊謝尚自能鸛鶴舞相如免脫鸛鶴裘
清晨一作與罷鼓櫂過江去千里相思明月樓一作他日西看却月樓

贈宣城宇文太守兼呈崔侍御

白若白鷺鮮清如清唳蟬受氣有本性不為外物遷飲

欽定四庫全書

御定全唐詩
卷一百七十一

水箕山上食雪首陽顛迴車避朝歌掩口去盜泉岩堯
廣成子倜儻魯仲連卓絕二公外丹心無間然昔攀六
龍飛今作百鍊鉛懷恩欲報主投佩向北燕彎弓綠弦
開滿月不憚堅閒騎駿馬獵一射兩虎穿回旋若流光
轉背落雙鳶胡虜三嘆息兼知五兵權鎗鎗突雲將却
掩我之妍多逢勦絕兒先著祖生鞭據鞍空矍鑠壯志
竟誰宣蹉跎復來歸憂恨坐相煎無風難破浪失計長
江邊危苦惜顏光金波忽三圓時遊敬亭上閒聽松風

眠或弄宛溪月虛舟信洄沿顏公二一作三十萬盡付酒

家錢興發每取之聊向醉中仙一作眠過此無一事靜談

秋水篇君從九卿來水國有豐年魚鹽滿市井布帛如

雲煙下馬不作威冰壺照清川霜眉邑中叟皆美太守

賢時時慰風俗往往出東田竹馬數小兒拜迎白鹿前

含笑問使君日晚可迴旋遂歸池上酌掩抑清風絃曾

標橫浮雲下撫謝朓肩樓高碧海出樹古青蘿懸光祿

紫霞杯伊昔忝相傳良圖掃沙漠別夢繞旌旄富貴日

欽定四庫全書

御定全唐詩
卷一百七十一

三

成疎願言杳無緣登龍有直道倚玉阻芳筵敢獻繞朝

策思同郭泰船何言一水淺似隔九重天崔生何傲岸

縱酒復談玄身為名公子英才苦迤邐鳴鳳託高梧凌

風何翩翩安知慕羣客彈劍拂秋蓮

贈宣城趙太守悅

趙得寶符盛山河功業存三千堂上客出入擁平原六

國揚清風英聲何喧喧大賢茂遠業虎竹光南藩錯落

千丈松虬龍盤古根枝下無俗草所植唯蘭蓀憶在南

陽時始承國士恩公為柱下史脫繡歸田園伊昔簪白

筆幽都逐遊魂持斧冠三軍霜清天北門差池宰兩邑

鸚立重飛翻焚香入蘭臺起草多芳言夔龍一顧重矯

翼凌翔鸞赤縣揚雷聲疆項聞至尊驚飈顏秀木跡屈

道彌敦出牧歷三郡所居猛獸奔遷人同衛鶴謬上懿

公軒自笑東郭履側慙狐白溫閒吟步竹石精義忘朝

昏顚領成醜士風雲何足論獼猴騎土牛羸馬夾雙轅

願借羲皇景為人照覆盆溟海不振蕩何由縱鵬鯢所

欽定四庫全書

御定全唐詩
卷一百七十一

四

期玄一作津白一作倜儻假騰鸞

贈從弟宣州長史昭

淮南一作北望江南千里碧山對我行倦一作盡過之半落

青天外宗英佐雄郡水陸相控帶長川豁中流千里瀉

吳會君心亦如此包納無小大搖筆起風霜推誠結仁

愛訟庭垂桃李賓館羅軒蓋何意蒼梧雲飄然忽相會

才將聖不偶命與時俱背獨立山海間空老聖明代知

音不易得撫劍增感慨當結九萬期中途莫先退

於五松山贈南陵常贊府

為草當作蘭為木當作松蘭秋香風遠松寒不改容松
蘭相因依蕭艾徒丰茸雞與雞並食鸞與鸞同枝揀珠
去沙磔但有珠相隨遠客投名賢真堪寫懷抱若惜方
寸心待誰可傾倒虞卿棄趙相便與魏齊行海上五百
人同日死田橫當時不好賢豈傳千古名願君同心人
於我少留情寂寂還寂寂出門迷所適長歛歸來乎一作
長劍歌 秋風思歸客

欽定四庫全書

御定全唐詩

卷一百七十一

五

自梁園至敬亭山見會公談陵陽山水兼期同

遊因有此贈

我隨秋風來瑤草恐衰歇中途寡名山安得弄雲月渡
江如昨日黃葉向人飛敬亭慙素尚弭櫂流清輝冰谷
明且秀陵巒抱江城粲粲吳興史衣冠耀天京水國饒
英奇潛光臥幽草會公真名僧所在即為寶開堂振白
拂高論橫青雲雪山掃粉壁墨客多新文為余話幽棲
且述陵陽美天開白龍潭月映清秋水黃山望石柱突

兀誰開張一作白柱撞星黃鶴久不來子安在蒼茫東

南焉可窮山鳥飛絕處一作獵獵稠疊千萬峰相連入

雲去間此期振策歸來空閉關相思如明月可望不可

攀何當移白足早晚凌蒼山且寄一書札令予解愁顏

贈友人三首

蘭生不當戶別是閒庭草夙被霜露欺紅榮已先老謬
接瑤華枝結根君王池顧無馨香美叨沐清風吹餘芳
若可佩卒歲長相隨

欽定四庫全書

御定全唐詩

卷一百七十一

六

袖中趙七首買自徐夫人玉匣閉霜雪經燕復歷秦其

事竟不捷淪落歸沙塵持此願投贈與君同急難一作歲寒

荆卿一去後壯士多摧殘長號易水上為我揚波瀾鑿

井當及泉張帆當濟川廉夫唯重義駿馬不勞鞭人生

貴相知何必金與錢

慢世薄功業非無胃中畫謔浪萬古賢以為兒童劇立

產如廣費匡君懷長策但苦山北寒誰知一作道南宅

歲酒上逐風霜鬢兩邊白蜀主思孔明晉家望安石時

人一作來列五鼎談笑期一擲虎伏被胡塵漁歌遊海濱

敝裘恥妻嫂長劍託交親夫子秉家義羣公難與隣莫持西江水空許東溟臣他日青雲去黃金報主人

陳情贈友人

延陵有寶劍價重千黃金觀風歷上國暗許故人深歸來挂墳松萬古知其心懦夫感達節壯士一作氣激青一作

素衿鮑生薦夷吾一舉置齊相斯人無良朋豈有青雲

望臨財不苟取推一作揣分固辭讓後世稱其賢英風邈

欽定四庫全書

御定全唐詩
卷一百七十一

難尚論交但若此友道孰云喪多君騁逸藻掩映當時

人舒文振頽波秉德冠彝倫卜居乃此地共井為比隣

清琴弄雲月美酒娛冬春薄德中見捐忽之如遺塵英

豪未豹變自古多艱辛他人縱以疎君意宜獨親奈何

成離居相去復幾許飄風吹雲霓蔽目不得語投珠冀

相一作有報按劍恐相距所思採芳蘭欲贈隔荆一作修渚

沈憂心若醉積恨淚如雨願假東壁輝餘光照貧女

贈從弟冽

楚人不識鳳重一作高價求山雞獻主昔云是今來方覺

迷自居漆園北久別咸陽西風飄落日去節變流鶯啼桃李寒未開幽關豈來一作成蹊逢君發花萼若與青雲

齊及此桑葉綠春蠶起中閨日出布穀鳴田家擁鋤犁

顧余乏尺土東作誰相攜傳說降霖雨公輸造雲梯羌

戎事未息君子悲塗泥報國有長策成功羞執珪無由

謁明主杖策還蓬萊他年爾相訪知我在磻溪

贈閭丘處士

欽定四庫全書

御定全唐詩
卷一百七十一

賢人有素業乃在沙塘陂竹影掃秋月荷衣一作花落古

池閒讀山海經散帙卧遙帷且耽田家樂遂曠林中期

野酌勸芳酒園蔬烹露葵如能樹桃李為我結茅茨

贈錢徵君少陽

一作送趙雲卿

白玉一杯酒綠楊三月時春風餘幾日兩鬢各成絲秉

燭唯須飲投竿也未遲如逢渭川一作水獵猶可帝王師

贈宣州靈源寺仲濬公

敬亭白雲氣秀色連蒼梧下映雙溪水如天落鏡湖此

中積龍象獨許濬公殊風韻逸江左文章動海隅觀心
同水月解領得明珠今日逢支遁高談出有無

贈僧朝美

水客凌洪波長鯨湧溟海百川隨龍舟噓吸竟安在中
有不死者探得明月珠高價傾宇宙餘輝照江湖苞卷
金縷褐蕭然若空無誰人識此寶竊笑有狂夫了心何
言說各勉黃金軀

贈僧行融

梁有湯惠休常從鮑照遊峨眉史懷一獨映陳公出卓
絕二道人結交鳳與麟行融亦俊發吾知有英骨海若
不隱珠驪龍吐明月大海乘虛舟隨波任安流賦詩旃
檀閣縱酒鸚鵡洲待我適東越相攜上白樓

贈黃山胡公求白鵬并序

聞黃山胡公有雙白鵬蓋是家雞所伏自小馴狎
了無驚猜以其名呼之皆就掌取食然此鳥耿介
尤難畜之余平生酷好竟莫能致而胡公輟贈於

我唯求一詩聞之欣然適會宿意因援筆三叫文
不加點以贈之

請以雙白壁買君雙白鵬白鵬白如錦白雪恥容顏照
影玉潭裏刷毛琪樹間夜棲寒月靜朝步落花間我願
得此鳥翫之坐碧山胡公能輟贈籠寄野人還

登敬亭山南望懷古贈賓主簿

敬亭一迴首目盡天南端仙者五六人常聞此遊盤谿
流琴高水石聳麻姑壇白龍降陵陽黃鶴呼子安羽化

欽定四庫全書

御定全唐詩
卷一百七十一

騎日月雲行翼駕一作鷺下視宇宙間四溟皆一作空波

瀾汰絕目下事從之復何難百歲落半途前期浩漫漫
彊食不成味清晨起長嘆願隨子明去鍊火燒金丹

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中
原走豺虎烈火焚宗廟太白晝經天顏陽掩餘照王城
皆蕩覆世路成奔峭四海望長安頰眉寡西笑蒼生疑
落葉白骨空相弔連兵似雪山破敵誰能料我垂北溟

翼且學南山豹崔子賢主人歡娛每相召胡牀紫玉笛
却坐青雲叫楊花滿州城置酒同臨眺忽思剡溪去水
石遠清妙雪盡天地明風開湖山貌悶為洛生詠醉發
吳越調赤霞動金光日足森海嶠獨散萬古意閒垂一
溪釣後近天上啼人移月邊權無以墨綬苦來求丹砂
要華髮長折腰將貽陶公誚

獻從叔當塗宰陽冰

金鏡靈六國亡新亂天經焉知高光起自有羽翼生蕭

欽定四庫全書

御定全唐詩
卷一百七十一

七

曹安峴岿耿賈推欂櫨吾家有季父傑出聖代英雖無
三台位不借四豪名激昂風雲氣終協龍虎精弱冠燕
趙來賢彥多逢迎魯連善談笑季布折公卿遙知禮數
絕常恐不合并惕想結宵夢素心久已冥顧慙青雲器
謬奉玉樽傾山陽五百年綠竹忽再榮高歌振林木大
笑喧雷霆落筆灑篆文崩雲使人驚吐辭又炳煥五色
羅華星秀句滿江國高才掞天庭宰邑艱難時浮雲空
古城居人若薙草掃地無纖莖惠澤及飛走農夫盡歸

耕廣漢水萬里長流玉琴聲雅頌播吳越還如泰階平
小子別金陵來時白下亭羣鳳憐客鳥差池相哀鳴各
拔五色毛意重泰山輕贈微所費廣斗水澆長鯨彈劍
歌苦寒嚴風起前楹月銜天門曉霜落牛渚清長歎即
歸路臨川空屏營

書懷贈南陵常贊府

歲星入漢年方朔見明主調笑當時人中天謝雲雨一
去麒麟閣遂將朝市乖故交不過門秋草日上階當時

欽定四庫全書

御定全唐詩
卷一百七十一

七

何特達獨與我心諧置酒凌歌臺歡娛未曾歇歌動白
紵山舞迴天門月問我心中事為君前致辭君看我才
能何似魯仲尼大聖猶不過小儒安足悲雲南五月中
頻喪渡瀘師毒草殺漢馬張兵奪雲一作秦旗至今西二
河流血擁僵屍將無七擒略魯女惜園葵咸陽天下樞
累歲人不足雖有數斗玉不如一盤粟賴得契宰衡持
釣慰風俗自顧無所用辭家方來歸霜驚壯士髮淚滿
逐臣衣以此不安席蹉跎身世違終當滅衛謗不受魯